




北
碕
文
集

共
五

五
之
六



北磻文集卷第五

熹華嚴傳

釋善熹震澤沈氏子字無愠順菴其號年十五白父母曰願聽
我出家去蠡澤應天寺一牛鳴地素崇佛莫奪其志十六受
度以有明為受業師法真師會則稟嗣師訖戒品飄然振起方
之錫時法真駕圓頓之旨於三吳負大機器之士憧憧自遠惟
恐後公以妙年方軌老成雋秀染指法味窮日夜之力苟剔遐
搜疑必問難必通纖毫不礙膺乃已日用疏鈔研墨外無長大
布不華一鉢不背衆不過午五講大經楞嚴圓覺則十數徧撮
八十一卷之要則述法界觀按英記序臺說圖合三卷以發其
奧指圓覺類雜花而言約則述會不會篇續教章復古記三卷
以統其離金剛辨非注金剛纂要記同教問答合五卷則以定
五教之分齊破會三歸一破三宗說蘭盆辨正
珠合五卷則以一異宗之紛紜皆法真師晚年所欲為而噬臍

評連

於鐘鳴漏盡應緣之地則平江之寶幢閣十四載嘉興常樂三年臨安南山慧因十一年皆西泐勝處故得益者衆皆斬斬有所立壽七十八臘六十二嘉泰四年正月初二無疾而蛻於慧因方丈留十日闍維舌不壞骨石舍利入香嚴寺衆塔遵遺戒也

贊曰五竺特葬大浮圖尊法也大法漸醜此土妄一衲子忝厥生巧飾其亾悉力假援鑿幽邃擅形勝以掩其朽骼腐誠神陰陽家荒唐謬悠妄莫夫所不當得欲利其後可哀也已公之所成就雖扳竺西大浮圖何憊焉而決定明訓凜然在茲於戲賢哉

菩提簡宗師傳

戒生定慧三學必先戒越戒而學定慧邪說也菩提宗師師簡由戒而求定慧遂昌厥昆尼字仲廉号止堂嚴之建德任氏子少好讀書少長學舉子業暇日遊景德寺聞應堂惟定講蘭盆

經若有所感遂超俗於杭之法顯寺事景瑫為比丘受具畢即往不空學於法海師一盃亭午終日淡如非勝已不友非衆法不出本宗文字沉潛反覆雖前輩未發之蘊必了了乃已一時宗匠盛稱賞普教寺首座元印師号精律學諸師畏敬解后相遇以資持會正同異卒然相詰難隨語剖析不小訖思聞者悅服後見宗岑宗晏於永嘉器之留三年至是總別持犯雙單止作之疑無復礙膺已而歸杭依論宗大法主智曇師學唯識百法華嚴台衡則次第與其宗之翹楚者抑揚商略無相宗印師稔其籍甚虛第一座以俟出世於演法寺其次不空兩記並行取舍適中臨壇巋然有南山家法晚居菩提九年而寂嘉定元年十二月十一日也度弟子紹聞行依孫曰文秀得其傳而潛符密證者梵威首選垂寂之頃謂行依曰平生苦心以律自嚴不空了然師知之深會是莫可瞞身後言既而逝端莊如生壽七十一蠟四十七龕留一七日而闍維骨石舍利歸普同塔

贊曰經律論三一或定慧昧夫擊小彈偏以頓歸漸者罔不流於諍論簡以律部自任而博約諸宗之所同異故其成就者如此

無名子傳

無名人與造物游於夢水之上生無名子商周時應采詩之求不知其幾世鄭衛淫戰國雅頌不作采詩官廢會摩騰竺法蘭西來與烏有生歸焉或曰子名且不有實將安在烏有生焉子曰象教中微人心潛息主文誦諫上則二雅旁法九歌下雜謠言託吾虛名駕其說而正其失謂余無名矣也無實矣也汝病之吾辯之亦安也生踊躍曰然則子罔象之派亞與子惛然而作曰罔象生罔兩厥類惟錯冒吾法為奇貨飾佞壬廣厥類愚無識知卒莫逃君子之誅汝何從比余於罔象子雖子異姓而特蕃衍散諸四方挺挺有祖風烈隱德不耀可無傳焉此礪曰無名子與烏有生名實之辯辯矣名且無烏乎實所以諷者

微而婉又何俟借風雅託名氏然後為得哉

兩窮傳

朴翁銘文穎惡九子如仇反譏余涇渭太多則語之曰方將以是告子則把手一笑而忘其病此反以告人也它日婆婆冷泉鵲舌嘲晰譁而侮之遂過天竺逮還故棲天竺之人依依有去思以僮語為謝其略曰獲依虎卧之浮圖政類鶴鳴於華表閑吟古句青山豈礙白雲飛却憶先師老步只堪平地去屬余賦解嘲所謂不能助桀逆至吠堯一窺豹斑五窮鼠技含怒蓄怨於彼其久也覆巢墮卵於吾何有哉嘉定甲子冬尸王几者祖冷泉故智將不利於我正論橫制厥類安尾朴翁述其事寓狸不執鼠寄四明地主李雅云堪笑主人偏愛惜容它籠裏咬鸚哥則又囑余曰兩窮併述為佳傳留與叢林作笑談昔老坡南遷遇歐晦夫於合浦誦梅都官贈詩云吾家無梧桐安得久留鳳坡亦自誦送老泉云歲月不知老家有雛鳳凰謂歐曰梅二丈

目為鳳者例窮如此嘻鸚鵡也窮且尔矧為鳳尚何加焉北磻
曰小人道長莫如六宗六宗不除禍天下後世何時而已哉東
西壤斷不啻十萬里風殊俗異小人滋蔓而難圖若合符節彼
蒼者天盍亦殄此群醜庶乎畏天之威于時保之

重刻永明壽禪師物外集序

能使所居山大於天下鼎望禪苑永明與達觀盧公之於雪竇
也空寂蘊奧公尤為先知出入人間世為龍象任祖宗九鼎之寄
宜矣開禧初余登會稽探禹穴陟華頂度石橋關雲獸逸蹟雁
宕盤勝訪客兒蠟屐揚騶處回乳竇觀千丈飛雪住山石橋宣
無言與余登中峯公昔著書地老頭陀出公肖象碧眸廣頰氣
凜凜如生屬宣整飾書余贊其上曰客吟燈殘猿啼月落衲帔
蒙頭千丈萬壑起破九夫為尋覺妙覺齊大小乘於錢索井索
綴大辯於談笑寄虛懷於冥莫所謂百軸宗鏡之文太山之一
毫芒巍巍堂堂偉煌煌非心亦非佛破鏡不重光茲又得此

集附益於毫芒然則公非用力於騷雅者亦不在多少間獨喜
某人講明舊話重刻以壽古宿為書於僧統寧公序後

仁王護國般若疏後序

仁王護國般若疏天台之極言言心聲也天台之心在焉循聲
而得心忘心而得法庶乎小酬百難顯晦淪於遐陬海隅復歸
中州也見而不誦誦而不通通而不說說而擇授均得罪於此
書嵩山晁騎尉序之為詳北磻申之為約雖消塵增湏嶽不在
乎多少間其於宏贊弗以異學二乎中則同出一轍嘉禾古石
蘭若傳教行彬重刊以求其壽為書之

注心經序

蕩相明宗者大般若經之極致而司南沉空滯寂也九六百卷
卷九幾偈偈無量故字亦無量字無量故義則叵量如是展轉
各無量數欲彰其目必提其綱欲窮其量必執其度不則塵沙
要奧廣大玄闊雖巧曆莫能悉數心經之譯二百六十字苟得

其要如上所陳若指諸掌推而廣之不知六百卷浩乎其博也
歟而蔽之不知二百六十字藐然其約也提綱執度舍是而無
所準的也然則此經般若之靈局也心之所之法之所由也心
之所止法之所歸也天地之大萬物之富一稊在庾也若夫不
知復不足以見天地之心隘此心不足以語此經之方迷此經
不足以知此心之妙即一而三即三而一三智大觀於是乎在
孤山造疏數千言揭此經大明淨覺則肅徒振旅全師而攻之
百年宗徒未卜孰詣宗印師作哂乃末流無所適正異其所異
而同所同將締其言而一之賁志而死元粹嗣其志旁羅契經
冥搜玄文參諸往哲斷以己意句析章分會殊而同理貫義條
反違而從孤山之說必明淨覺之難必通夫今而後自本然衆
相見無相空即蕩然大空識真空相因指得月得月忘指月與
指俱忘也不忘者忘乎哉

集註圓覺經序

覺而不圓者有矣夫未有覺而不圓者也圓而不覺者有矣夫
未有圓而不覺者也昭昭日用之間而不知也一性圓具不知
故不覺也性之所具曰圓圓也者凡愚不虧聖神不盈自本自
根與生俱生圓同太虛而無欠餘太虛同受而與之俱良由習
與性離情與智違背大明即大闇悠悠長暝不了此覺絕復亦
了覺而不圓惟其不圓其證亦尔遂有修證之目為三根利鈍
所以別也所修者何修此者也所證者何證此者也所修不同
所證則一也故曰一切衆生皆證圓覺非覺之以妙覺則止於
其所覺非圓之以至圓則止於其所圓自四十一地以前皆止
於其所止而不知夫所由止不修何以達其證不證何以明其
修止證而止修而妄異夫所謂圓覺者是今日適越而昔至也
修而後能證證而後能忘則十二大士未始有問也十萬大衆
未始有聞也六塵不濯而清淨四病不藥而瘳也靜幻寂非一
而非三單複圓無前無後也如是乃至圓果三世清淨平等皆

光明藏也圭峯發明此經造疏數萬言反約於廣博浩繁之中略為別本由唐至今廣略並行西南學徒家有其書江淮荆蠻稍若不競天台再造於五季亂離之際鼓行吳越間作者輩出嶄然見頭角由是二家之言肝膽楚越彼所宗尚我得排斥我所宣演彼得指議異己之卓識與共環堵必群咻之務其說之不售同己之固陋遠在萬里必群嘲之欲其喙之必信使二家之道不淪於必爭之口者幾希古雲元粹師所以憤排慨慷集註此經而示其同也以本宗之義發他宗之言以他宗之奧揭本宗之玄本諸其理不本諸其宗參諸其心不參諸其人黨非其同伐非其異平持其衡婉立其言俾滯於一曲者知夫師子手足一金也江河淮濟一水也毋求異於圭峯亦毋以求同也異其所異而同其所同非一人之私所能也

送張少良序

文章不學而能乎曰唐柳子厚始以童子有奇名李長吉七歲

長短之制動京師今也有諸曰括蒼張少良十五六時從父學稼方春耕破霧湯不兮畦畛輟耕而歌曰似雨无非雨如雲不是雲翫疑天與地渾沌未曾分鄉先生常秘丞建聞而奇之內諸塾已而賓諸庠今為名諸生富春秋將偉其衣冠嘉定二年春相遇於丹丘巾峯之陽朴茂沉默直亮簡正鄉不遇常亦豈遂自弃於耕稼之伍吾不佳張之遇常而佳其不忌常又不佳常之得張而佳其始卒於張異夫相驕相諂弥縫為市道也遠矣其去也書以識相遇之歲月以為贈

送一上人持盃序

平地登雲南北一舍強半梨州瞰伏錫為平野遠如之峻陟則倍從在昔單丁今有衆一踵門而言曰育王太白衲子古洙泗比以萬錢汰舊學萬錢何從得哉梨洲門不暇敷有來輒容我則持盃出山高原使來相勞苦余聞而笑曰梨洲失之矣歲暮饑寒一夫據把茹足以傲睨高蹈以振其賈鼎望且學其為梨

洲胡不為與雖然我知之矣智海云僧者佛祖所自出拒僧拒佛祖也芙蓉則曰可粥則粥可飮則飮若去與留在彼而不在此高原之心有是夫一曰然然則不可以不書以振梨洲學古之志云

清白堂叙

歲荐饑所至散席靈隱印萬指厭餘而百堵皆作忽中飛語會稽之籍毫析厘剖無參差宮講大監劉公壘曰請自今以清白稱播于聲詩和者不約而同噫魏文示樂羊滿篋謗書燕惠遣騎劫代樂毅士無賢不肖入朝見嫉山林奚為哉是諸君子昌之以言隱然有不得其平者書之為清白堂倡醕叙

送夢書記序

詩人于君實問予識天台夢乎予曰天台舊遊夢想常在于曰吾問夢書記予曰書記今備數非夢也于怫然而作曰浮圖曰夢掌天台宗徒之記子何愚甚蔽甚耶則應之曰吾非不曉子問也古無書記自積翠老南領徒行脚叢林稱之後世嗣其遺

響僅得積翠之一体餘則百步半百也吾冒其名屢矣未嘗不惴惴自憐也吾車覆矣蹈吾轍者翹楚乎容止誇大乎語言行若出積翠上不待兩端則黔之鄙人以其不足道而去之猶喋喋不已使同類謂彼不已若故去故謬以應孰謂子攻我至此極也豈毋望於洗空九群張吾軍哉子曰矧若子言豈特此已儒吾之宗釋汝之氏仁義本根禪教源委彼以其真我以其偽姑且置之萬事勿理夢則固異乎如此尊師友識禮義孜孜問學進而未已它日與夢語乃以于言為是私自謂入亞夫之營視棘門灞上如兒戲尔因語之曰鄉所望於空群者子其勉之夢起避席頓首曰唯

送上天竺月光遠歸四明序

四而喜三而怒衆狙也加之以非常之寵而不喜臨之以無故之辱而不怒斯人耳吾於月之東還也以是二者勾其淺深則曰曩來自東今還自西造化也昔當其舒今當其慘喜怒哀與

中山之拔謗書已盈篋其子可信方織而投杼事久論定真毀
譽者出甚矣才為妬媒能為忌因彼以我為才能不奪不饜媒
因是徇若幸願我何戚乎容是豈知我浩乎中也則謂之曰我
將駐若之轍於兩竺間俾志衡台問奇字刁刀魚魯母盲盲相
承月曰噫勿崇吾咎舍沙搖毒中而未已虛舟飄瓦悠然不知
彼有畢弋又倚城社萋兮貝錦以成文章詩人嫉之投畀豺虎
豺虎不食其嫉弥甚造化寬假以華其歸城南吾廬有琴有書
自艾自懲自卷自舒飛光須臾高山蒼蒼流水湯湯以遺其音
以思古人以獲我心

送高九萬菊礪游吳門序

少陵得三百篇之旨歸鼓吹漢魏六朝之作遂集大成離騷大
雅鏗然盈耳晚唐聲益宏和益衆復還正始厥後為之彈壓未
見氣力宏厚如此駸駸末流着工夫於風煙草木爭妍取奇自
負能事盡矣所謂厚人倫美教化移風俗果安在哉山陰菊礪

高九萬得句法於雪巢林景思於後山為第五世嘗出唐律數
十篇活法天機往往擅時名者並驅爭先加以數年沉潛反復
斟酌離騷大雅之根長漢魏六朝之幹發少陵勁正之柯垂晚唐
婆娑之陰擷百氏餘芳成溜雨四十圍俾困頓於風煙草木者
息陰休影方有事於吳門吳號多士趙靜齋子野廬蒲江申之
柄此能事第往必以吾言為然

頑石序

欲叢林復古必綜核名實名實正而叢林不振則正因可毀大
乘可焚修飭諸其內而略諸其外抱道懷義特立不撓譽不喜
毀不怒不曰有常不曰君子實將焉處將有人焉肅威儀懷佞
壬正辭氣事容悅不曰鄉原不曰穿窬實將焉居故君子務實
實振名名不振實也審矣咨尔頑石是傲是忒庶乎粹蘊奮乎
頑質實而若虛也實若虛此余所無媿也

送四明賜越州源珪往華亭序

若知驪龍之領有明月夜光也夫非遙遙曲折巧運其智極九淵之下與之相周旋終莫得所欲不然蓋粉之不暇敢安異徑寸哉寐而得之非得也道非九淵之下甚迹而不遠非驪龍之領甚易而不難苟無其方則遠近難易或相千萬二三子來自東也東州師友尋訪殆盡復將問津於華亭是行也須其寤而探焉

字三子序

開禧丙寅仲春既望予自鄮還西湖解后二三子於冷泉之上扣其所從來乃知其為天台者也幾月而後去其去也請更字於予予曰字所以代名師友命之耳更之背師友非是苟徇子又安知它日不復更於它人而反吾言耶三子相視而笑曰子何見之晚也天下之所同者理也理之所在則終身踐之苟未至必至而後已子烏乎辭遂命珪曰瑩中俾鑒諸內而略諸其外命源曰叔進俾不舍晝夜而朝宗于海命賜曰無言孔子曰賜也不幸言而中是使賜之多言也於是觀焉珪也源也舍是而無所繩準三子有得焉則予不幸言而中也言而中是使予之多言也

送陳原父詩序

壬申季秋永嘉陳原父侍仲氏解四明定海少府之組借榻於北礪數月束書外無長蕭然如僧奮然有志當世日與此邦之彥遊歸輒三鼓余未嘗不遲其歸原父歸亦未嘗不至予卧內言是日所與游與所為所見而後寢自首及末風雨不渝且未嘗見其評論人議已者不問予游四方得見有常者蓋寡若原父非有常者耶男兒有志事竟成非有志者耶其往也素齋頌客載酒賦詩餞之於江滸盧氏小圃予亦賦諸公訝予獨醒以序代罰

送柴生謁東嘉呂守序

慶元丙辰予在鷺之小嶺有偉衣冠來謁者曰我漢太尉棘蒲

侯裔也越明年復見於真山欲繼其衣求其於余余頌何有哉
去年秋七月用舉太華神佛智大士故事作詩年全不以示人
而輒見授懷其暗授也則惴然去詞宜獨將因宜獨以見
呂東嘉是舉也適足以濟前日求空暗授於余之兩失也既行
所依歸而不志所求吾恐其失信於前既無以昌其行又無以
濟其需命之曰子之知東嘉郡侯侯固好義郡文學吳越盛竹
若天下士也與侯道同氣合子無意於六義之古則已苟急於
此舍是無獲焉

無極序

或謂太極無極之辨起於無極圖豈瀛溪務為後世爭端耶昔
游康山卧龍菴見劉淳叟擘案大書亭柱曰是日與朱南康論
太極無極吾謂太極無極非古人意裴回四顧恨不見劉子而
畢其說有以無極自号余使之坐而問焉曰若知無極之極乎
盍以我告有以我告有極也如其不知則知耳將北面質若之

不暇何暇為若說若歸而得之得而忘之則太極無極是古人
意非古人意不俟問人而判然胸中矣

淨溪醺倡序

經子史傳記皆序下至雜錄小說亦莫不然序棋序飲序畫序
易一數然則醺為尤宜畏齋何智夫選次家食容與三
益笑塵間二三友廣倡迭和以相勉使書其後序所以申導志
義詩者志之所之發於言而義在茲尚何序

贈儒堅用晦未序

觀中朝名勝贈儒堅用晦未之作曰作而言曰儒與堅二而
一一而一暨之誤一人耳儒之誤誤天下後世獨能兼之諸公
所以亟得也揚之余病愚懶根盤錯古野發其用工如林乃不
一備請常之觀兼之妙又從而申之曰儒則儒暨則暨果
能一之夫若斐思祿毒已圖萬莫莫萬金試良請從隗始

元谷釋可詔錄序

悲口日對而極不壞之歲既銘之矣越二日復見此錄此老咸
心不施心苗發生以無作有脫開漏架如猩猩履如刃上蜜又
如深穿文錦其其曾中其故能中人以毒曾落穿故能陷人
以穿吾亦其其其密使使使知吾水盡室母飲消滴破絮敗
增勿行榛其達入達一尋起越

五洩留題集叙

佳山水如王佐才可就不可致天秘未審隱德弗耀非胸中丘
壑淵羅陟險履欽蹈欽極幽邃窮遐隱何以發奇怪之蘊暨陽
五洩越絕佳處相敗者黠唐僧也編茨拾橡不啻大厦廣居食
前方丈洞山諸老靳然見頭角自是始有五洩之名喧傳浙東
西由唐而宋名勝接武把麾而至者自集賢校理刁約始所謂
近模雁宕形容小遠較廬山氣勢高乃其詩也持節而至者自
尚書主客楊傑始則曰堪咲興公游未到都將佳語賦天台自
是楞岩虛寶嵌石倒礪奇詠芳什翰墨相照映往往蝕苔蘚詩

薜荔日遠日益漫其人萃而哀之欲毀諸梓示游觀者使其新
思油然而作然后關五洩問兩源濯縣水躡飛磴襲諸賢逸蹟
釘兩公舊題接毫而賦賦罷而歌勺泉以酌此山之霸而勒回
俗駕或未已也

禮書記歸葬弟序

六學而貧益崇玉其成也貧而成初何傷付用舍於行藏提於
時見弦歌在床貧也非病也賜也遠逝而返也視其高車駟馬
不啻極古潛禮從余學貧而書於藍昆弟之喪俟其舉及至
乎其難哉噫死喪之感兄弟孔愛歸而勉之當有相者

月巖序

一喜怒哀樂念慮風雨萬緒何自有發不中節損中害和澄湛之
休果安在將有大勇却步反顧內則見我外不違物方是時也
巖前月升其其如湯不復理勢而弗反靡所厝麗方是時也
巖前月沉方其升時天籟自鳴達其沉矣天籟自瘖巖中禪心

冰枯雪深

開元先生語錄序

國子監司馬道宣字道宣如枯木道盡陳尊宿近時振曲學
木枯三日五夜努得箇上堂四句偈以顯其旨以逆為順曰邪
打正必曰曰正打邪打竟為馬必曰打馬為鹿反是謂之順朱
愚不知其順耳此弊僅曰五十年餘波末流渺不可遏開先老
子提倡一編寒火金厲其或變度海囊虛其或滲反覆拍搥了
不可得異時商榷一言半句言猶在耳今非吳下蒙也兵車會
同諸群三舍

月潭序

一潭不作除天一石磅礴地維天為其底鑑萬象而不有其照
涵十重而不有其廣霜蟾駢轂玉輪碾空澄水寒景在萬水
示山巖巖石壁土之約其明而不分景云何能然以非水故
曰作而言曰月在潭中自天形吊景光連潭以虛為任月以

虛為朕惟其然物以虛應道集虛方物莫我遠既堅礙方尔其
誰

鏡潭序

鏡鏡空潭涵虛空虛無朕鏡潭無滓鏡忽塵拂之則明潭忽雲
豁之則清可以觀惑可以鑑止人知鑑夫止水而莫知其鑑大
亦自止惟止能止衆止止之為義大矣哉靜蟹黃鳥止于丘隅
知其所止也知夫所謂止雖難然前陳後倚千弗俟制而止
矣於是觀鏡猶亦大矣惟鏡與潭如空合空與吾寸淵洞照無
外噫曰鏡曰潭美又曰心何區區之名數其多乎則又曰体同
也量同也雖名數千萬何患乎

送鐘賢良序

漢西京取士設非常之科待非常之才如鯁鯁千尋縣五十摺
不在鱗鈔鯁鯁瑣屑成累故人才輩出內則為卿相外則使異
國窮河源管單于斬樓蘭六郡度江中原戴舊德而歸我者曰

王宣子未幾登甲科賀者及門則感頌而作曰吾僅費數百金買麻沙一青紙故而至此也何以賀為或謂其輕朝廷非知言也輕場屋耳永嘉君少負不羈少長作舉子業壯而耻與瑣屑戚裂者位十年明開夜燈曉寤博觀不置大科業成而不試遊大指紳間不小紙簪簪寡合無餘歡有兩惡子天其若者俾責償於斯乎若我山林無用於世惜有用者不為世用豈拙於用大者獨速而濤園吏也耶

送永嘉黃上舍

單食瓢飲不改其樂其樂也全華冠緹履能安其貧雖貧不病彼結騎聯駟朝燕暮趙奮三尺喙馳聲利富貴沈痼於游說何其遼哉百世之下言聖門者兒童能判賢不石崇入太學見顏原像謂王敦曰人生當使身心俱泰敦曰子貢去卿不遠吾嘗謂崇之禍自身心俱泰始永嘉黃上舍貧遊江湖非好遊也將交四方賢雋以自廣牛腰行卷舍雁蕩花木香眉宇清

馬紅九子為神奇丸序

市井所謂紅九子雖策寬隔消積之驗特時暫耳今此則異於是瘴膩凝滯壅隔番逆血滯氣積効驗立至售雖廣於士大夫未罕衆易名曰神奇取楚漆園吏神奇化臭腐老坡聖散子之類庶幾新見聞而利及人也遠確言夫水並流孰不善渭而惡涇泉分酌孰不賤食而貴飲豈特水哉酌渭之吏志除暴亂安生人於鈞然謂之酌則不可飲後鄰二世滑稽玩人物於流俗謂之相亦不可由是觀之名不能美物物能美名名不能美人人能美名也審矣某更是名也吾恐其混殺廉貪渭涇賢不肖無別而失其濟危急之實

靈史序

古靈提撕古佛堂藥厥受業師之沈痼謂其不識證則不可至於劑之則非明其識藥則亦不可且靈光洞耀其身存於光景中矣將使同在其中者超絕景蹟豁然青天白日難矣哉古也靈史抑有取於靈乎天下孰無受業受業豈無師者苟取於靈當取其未發足南方已前不然吾恐刻鵠不成反類鶩也

信翁序

海具八德吾取潮不失時為海上人別稱曰信翁祖云佛法大溟渤非信莫能入不入則安知夫傍無邊深無底廣大涵育之量百谷東注不加益虛受也尾閭泄之不加損持盈也學者知此則楊子雲所謂終至於海也不然溝澮皆盈而不知其陋曰吾海也倏然而涸始悟夫不信不學以至夫噬臍故吾嘗以信與學告夫相徙者茲又以告吾海儻未喻厥旨盍觀柳柳州東海若反復尋繹與吾言同異何如

棕海塗序

過剡必先問戴公盛指點阿猷回擇處賢不肖然也剡清飲淥濯纓濯足賢益賢不肖亦有瘳則溪山人物逆發奇蘊或以縱適白賢登名士之目視天下治忽若風馬牛不相及以有為為不足為卒至於不可為吁何時哉溪居緇褐

來礪

陰扣其所存口將不以事物經意自賢邪抑山樵溪叟爭席專此勝邪是二者皆非吾之所謂道日子何見之晚也不明不衆治不知吾用吾力甚於畊桑之難也不工不貢殆不知吾用吾智甚於工貢之勞也閩古高僧史得開田說大義伏膺焉殘山可隄剩水可陸駐海若活餓殍當不啻千萬什一以供吾一指洗鉢于以泚食前方丈尸素息事之類子何置我於碌碌無用因人成事之域哉吾聞其言若先得我心之所然者申其志道其義策其勸為是說

送觀音記序

合而離從而違苟不愆於義離合從違皆中也圓闔不為從侃侃不為違夷險百難適於義交道之正也反是必強笑諛媚以相悅飾為負侮士以相下進則詭隨退則搖尾苟合詐從伺隙俟間起而乘之以相賣聞一善言見一善行與其偽贊以澤人利物難全哉晚得吾觀物初從容於大中尊所聞強記而求見其止睡而吾伊聲猶在人耳偕來虎巖嘗安庸爭巖用定掉頭舍我而之矣越家林深影一枝可以慰勸翻去不俟留還不俟速惜其去而忘還也則謂之曰琴川若谿一草可旂日損日新勿謂甚廉慵而不我告嘉熙戊戌春下泮北磻序物初而與之別

無外序 關州遠書記

盡己以盡物物斯應物應則虛受己則冲然漠然游於孰己孰物洞表裏一邊幅之地振大方之轡允蹈於其間習中天地無復吟哇而備於我者眇中邊皆鄉之味道之所在而已因作

而言曰反觀匪內毆眺匪外而我與物等此大塊嘉熙戊戌北磻書

石樓序

一炷清香蒲石樓大覺焚龍香應量器後乞還山林進頌詩於慶曆天子末後句幾二百年潼川普明比丘摘石樓二字以見石樓得非岑樓之謂歟仙好樓居抑有慕焉則楚雨而作曰橫谷成陰去作金臺上客黃太史序忠國師也不知風葉擁趺同參先識豈巖間半芋付深夜讀書十年宰相可同日語國通却萬乘詔遣弟子行或以為尊法有體未若一舉萬里勿以累大覺之為愈也當寧虛心方外將蒐巖剔野可無經濟甘隱約者出其治且四十二年而已哉石樓自名蓋惜圓通不知出此而大覺歸山林之晚書其言使後世知石樓之自

北磻文集卷第五終

北磻文集卷第六

玉泓銘

碧雲菴在洪崖西雲峯東近唐處士陳陶故廬址多石堅而難
攻嘉定十一年季秋九日四明僧如潔落菴之成得泉於堅址
中翰林直院留公元剛適來自匡廬名之曰玉泓方不遠尋深
半之旱澇無盈縮甘可飲淨可饒於茶為尤宜莫原其自或曰
人與泉感聞者輒笑噫是誠可笑也卓錫而得泉久矣為誕拜
井而水湧久矣為信信與誕相尋於無窮而莫之或辨豈忘言
者所以不言有待於知言者耶銘曰堅方方碧漪漪雲生隅月
剪規鑿而得之或猜或疑然則是泉也固在茲固不在茲

泉潭師高原銘

或謂水出高原曰高原則萬斛泉源不擇地而出又何謂也或
曰高原陸地不生蓮花此彈偏擊小之辯皆非吾之所謂道為
之銘銘曰峻極兮稜嶺不可登吾非雲顛迥闕兮培宿杳不

可瞰吾非九淵雖然彼君夫崇深易嘗舍旃芳不板不援弦直
片砥平哀今芳匪中而邊正曰芳急難思鵲鴿芳在原

彰教石雲板銘

而承雲峙中可貫考之清越而渾園刻詩五十六字曰莫翁題
不書姓名寺無著宿可訪訪諸野曰建炎初雲居隆藏主來住
此山過湖口得於民或曰徐氏舊物二說未知孰是寺蓋李氏
有國時徐理惠王墓田王溫第六子名知證字義明距寺七里
有江南翰林學士常夢錫所撰碑太廟令王崧所書屹立驛路
傍元祐元年龍圖學士蔣之奇制置江淮荆湖時所作碑陰則
在寺物之隱顯固有數焉其瘠而復震銘曰切堅芳采英前雲
芳賦形在縣芳審厥聲聲聞于人人惟聞聞寂寥芳歸根塵消
不痕

張公井銘

山彰教而東一百三十九弓曰張公井公不知何代人當時是

為者缺甃瓴甌不古疑其去今未甚遠深不及丈冽而甘宿不
滓宜茶宜墨宜釀歲大旱十里仰給病者投一錢煮藥輒瘡舊
有亭樵牧躡蹠既弊不復理丙戌仲夏望佳山人北礪淘井勺
泉而銘之銘曰泉瘡疾人以泉信信必乎相與為命余病愚泉
不瘡曰余弗信泉弗余子漱而淪以樂其樂

慈感寺蚌珠羅漢銘

某年月日茗溪漁者剖蚌得珠而側視左袒應真肖象契神僧
地夢之徵也臨流忽墜淵涸珠明水翳簷趾嵌空欽歎爰爰欲
歷示人以顛隤之急也傳記雋永聲詩清越皆南渡第一流珠
璧照耀俾者割烹養口蚌起惻隱之仁知大德曰生也為之銘
銘曰精洞太陰是孕既靈靈應不虛現如是身誕液不濡長揖
鼎俎雲沉方廣弗入衆數彼渙伊何箕裘在渙先獲援手夢仍
合符潢湧湯泥腫臃印蟾汨汨自潭稜稜弗潛澄瀾渺瀾碧甃
空洞半肩伽梨萬目神珠

明無礙銘

明無礙吾孤雲權之子以諸父事余與朴翁兄銘朴翁稱之曰無礙屬余并語後十九年始克為之銘銘曰毫忽不透物則礙庸泮然物消伏臂以懲惟其拳拳此病始大夫何能然礙帶獨在畦空眇虛欲萬賴瘡只益自勞直寸枉尋地窄天道拘窘跋賣必也逢原此外無地

幻菴銘

達上人曰幻菴文昌高公行簡為書之請銘於潼川北礪某銘曰有覺有幻的生箭集諸幻消亡覺尚焉立八句玲瓏十虛內充惟一精明復何所容以無所容故無所却知幻即離自急其縛我說有覺與無覺對是則名為如幻三昧

福聖曇禪師通菴銘

滿行諸父

通之為道常不在君子或曰人眾者勝天天定而後勝人余則曰天不可勝而未嘗不定作通銘銘曰君子固窮故通小人反是

通而終窮是故君子守道而謹終

臨川王正叔嘯隱銘

懷壯圖嘯長舒自樂蘧廬中之天地豈特以天地為蘧廬學道兮自娛飲水兮飢蔬是謂立天下之正位兮居天下之廣居

簷隙銘

顧余家古屋老不支塗墁地剝簷隙度器用者數板下設小榻開數櫺納月疏風作於斯息於斯非醺酢事物於外亦必於斯銘曰適斯陋陋吾愉愉安斯隘隘吾舒舒善斯獨非吾所謂道正斯立昌吾居乎

瘞瘵銘

瘵瘵

果之仲氏有瘵薰文名薰瘵而瘵不以善吠為良夜聲先群畫食後衆仲用起舂柔薰化之季之狸虎文曰斑以輕翹捷疾嬰季畜之經年狡穴洗空挾寵以累非其類它焚礫之血滅薰首季勇復讎擊翼首而斃之仲趣援薰噬臍矣微食終日瘞以瘵

惟蓋過余道所以然曰五傷吾傷者三斑化暴死暴也斑死暴益季暴也翼化吾怒盡死於怒乎子曰何傷乎吾敢賀而不以弔也怒本仁一物不得其所若已推而納諸溝中閔閔焉閔深則愈怒廣而充之仁不勝吾用暴虐之慘甚於燎原雖自己有所不服顧於翼何有翼死怒得死所矣仲氏翼然而作曰然則不可以不銘銘曰翼與斑化其主暴死暴怒死怒怒有光果自取繫襟裾不遇死

白牛銘

施力養人惟牛為能負力於牛惟人寡恩故君子不忍殺鯨以小易大飲以清泠遠洗耳處比及後世王澤寢息淫祀肆作橫擊屠割享非其鬼濫觴嶺海蕩汨中土靡然成俗蚩蚩之氓老羸易少壯堂堂馳駘使就鋒刃壯者既羸亦復若是當其貿易之時其死已非不見舊主徬徬欲訴苦不能語謂其不語是自欺耳視大白之塚歸然荆棘中抑有感焉某年月日圓覺寺造

伽方塔十一級以尺計者頂踵拔地三百六十磚甃土木之運緣半天微大白孰能舉之塔成而斃嘻殆於此矣某年月日巴寺之陰不越大界相得爽塏營其葬而策勲焉後若干年某來住山聞諸故老為之銘銘曰舍尔畊勞尔生弗踐青金地行年然鳴中黃鐘頽然卧蟠玉虹志其勞食其力成浮圖十一級身這然功歸然與浮圖相永年

佛手若善住禪院鐘銘

扣無盡應無竭持寸筵致其壺惟供其撞厥聞乃鉉聲沉響消反聽絕聞聞性斯泯疎亦超瑩是故此鐘寒而常震

獨港東禪寺鐘銘

大扣大鳴吼蜩震霆弗考弗擊云胡弗聞聞性常住湛水不痕由一精明見大用振淮山崇崇谷虛有神於昏曉間互應迭陳擊尔大器晚而後成獨山范金使此銅鉉

布衾銘

衾而布儉而易營或曰許不得已而去於斯二者何先曰許儉也者吾師也左祖公孫右祖司馬

叩竹杖銘

叩端歛尺為竹若先生錢常蘇作

心貴虛受節貴不露尔室而露君子所惡維其持危相與却步無黨無偏蓮王之路

端研銘

非華池不竭非干將虞缺璞少文玉方切

歛研銘

沉玄雲升玄津頴也策勲如新發矂

界尺銘

惡圓曲尚方正直而剛重以填

小菴銘

菴以小名志其大也大而不可容故小之小之為用大矣至大至剛浩然之氣也充塞天地而莫測其際寓諸尋常而莫得其

朕養之至也不然渙散乎其大必乖離爭犯詭譎顛倒而無所不撓膠轕平其小則促縮拘局窒礙窘束而無所不觸亂小大之宜而失諸尋常之中何自而知夫小而得夫用哉故曰小之為用大矣為之銘授住菴人使由吾言而志其大銘曰泉濺濺火始然或浮天或燎原匪微兮曷著焉

肖巖銘

竹若長子

清明在躬群安停擾幹旋一氣颼颼衆寡事存萬變理絕雙兆削平吟哇強名曰肖

帝簾銘

沉金燎天其醜無敵於天下勁節屢安穩當柄用百其身如縷不熟楮生夾輔盡綿薄為掎角雖未即殄其炎炎奉揚仁風亦足以慰彼黎庶

世源銘

星金藏主

一滴曹溪發於中天迤邐於江西一十八灘餘波瀾々襄陵懷

山室何有於瀝觴薛何有於類瀾雲何心乎故岑水何心乎舊因
九河奔瀾潏然毛端吾故曰統之有宗兮會之有元

勝安銘 潼川定首座

曰定曰勝叩人衆勝天之勝爲之張本則謂之曰蒼々而穹者
天也無聲無臭品彙以亨四時以成享之以誠應如谷神總々
出々其類寔繁緝序乱常天紀安干朝春听秋嗜雜喧咏咏息
弗停振萬竅號氣革候變金行既肅族類寔寔匿怒然皆藉跡絕
景消泯默至死天籟常鳴無從聞々於戲天乎不戰而勝凡所
以賀戰勝者冠蓋相望雖愚夫愚婦知之天而不之人吾故曰
天下可勝而未嘗不定則又論諸其衆曰天何言哉

物初銘 四明觀書記

寸田鏡空蕩然十虛雲沈翳消其應無外道之所在而已夫道
未始有物物亦惡乎有夫道道之所載惟物之靈神而明之存
乎其人萬生絲綸汨乎吾前莫不了厥端緒於毫忽未兆弗前

先物而物莫我先吾固曰道之所在而已銘以訂其說銘曰

混且殺絲以綸曰無帶何從生生無從去冥際動中滅靜中起
穆退思與却顧當云何洞化母全者天天地先觀物初如是觀

無盡銘 潼川藏知客

典吾賓者曰藏號無盡爲之銘銘曰

此靈覺性太空同受十虛無垠均量齊壽凡厥有生天地共盡
先天後地獨存者性外取風月用雖不竭畫蛇著足既著復別
身椰子許曰小天地求諸吾身是謂直指

紫巖銘 日首座

其生於巖巖以芝得名曰芝巖芝澤而紫又得名於色善毗尼
者曰取紫巖扁其居且託其宗著其學後其別稱何擾々其名
之多乎或曰一法千名應緣立辨子本家兵法何自畔而作是
說擾亂我邊陲俾我巖間風煙雲物不得寧將不戰而屈之申
之以拉言吾族云

峭者巖紫者芝名巖巖不知日之隱此巖下時變斯名振
厥煇名匪實煇亦空如何其貴德充德日新巖益高德不修芝
如蒿伊紫巖式芳武懋厥功永終譽

昇齋銘

龔某曰昇齋有取於民之東昇好是懿德問昇於予為之
銘銘曰

昇民之天民之東昇天常卓然惟帝降衷於此下民兩忘黨偏
守之以正謹而勿移其歸則賢習與正遠遂遵別歧小人之歸
千里之失如於毫釐豈不爾思之而來復不移一絲夫何遠而

舊扇銘

時襄早三伏港弗漸物下滋爾宜風而喝若醒炎之今如昨圖
任舊惟爾諧思濯清冷者具爾驍嗣乃績長使奉揚之柄在掌握

晦岩銘

振耀而九鳥驚潛伏而九淵昭息陰以居洞窺煥若日中疾

懣恍杳邈是故君子用晦而守約

石門銘

堦坦勿踰匪穹即嶽循垣得門惟石岩之罔闢其敞孰快斯觀
憤悱在余發機轉樞

仲舉銘

德輔如毛民鮮克舉孰能舉之惟仲山甫古往可復仲也豈無
晞顏之人亦顏之徒

晦岩銘

為衡台之學皆曰其心明記覽知名於衆號晦岩為之銘銘曰
知燭也燭諸理還隱無或遺善用智者罔不若是智其智弗時
其用過則罔不殆寓妻子所以弗若罔象之為愈也

煙木白衣相贊

嘉定十三年正月八日晦岩白衣居士蒙於永嘉楚上人巖空玲瓏水高
朝嶺終乘眉目佳韻不指於烟煙嶺諸巖巖巖不稱身畔而賦之了
可數相隨風煙巖巖在巖反是巖巖身畔如巖母也巖亦莫不然乃知
故道餘地可掌中世界可掌中世界是也亦有諸其人作贊以授楚云

斤斯運亞斯斷鼻不傷立白若臻極之技與物不二惟其不然
一理萬致我觀此像殆非人為就能為之技不宅微矧此匠氏
施以此機應以此身化巧幻奇曰余既然兩眼如鏡弗能審觀
獨以耳聽反聽絕味對此殊勝小白花山下瞰巨浸

慈感主老請慈無量壽像

十力取土曰清泰城又曰極樂與苦溺障厭苦知樂不毫忽間
一念勇往即念而觀惟惟惟念匪疾匪遲憶而不忘念茲在茲
如求亡子如喪考妣如疾需石如渴需水以如是故皆何遠人
人人以半入生死輪法法惟心心亦非心都都噴噴離水高對林
悠悠漸修額額闡提同攝罔遺妙在不疑疑則疑城日却倍獲
東隅既失乘榆可冀卑若二仲達圓頓機路壅般舟手自剪夷
池栽茅陀社結名勝一十有八是修是證天台嗣響的傳自衡
和者如雲調高侶宏六朝逮今衣冠繼祖愚夫愚婦爰同此後
晒乃二弘載沈載浮去室即海善柳柳州見月因標法拍成

含有相佛觀無量壽

不動居士馮濟川畫像贊

天竺印所藏

乘本願輪游諸世間芻豢空寂以致其實極枯冠冕而行其禮
在宗廟朝廷則和而不同于以見大臣之節位方伯連率則威
而不猛于以見刺史之天鄉居則讀鄉黨篇而無媿家齊則揆
家人卦而罔愆若夫大小歲之施也則各以無量壽願王為之
數空忘在魚蹄忘在兔兔兩忘忘亦忘所乃知施者未嘗施
而受者未嘗受至於五千四十八卷初無一語

永明壽禪師畫象贊

客吟燈燭後暗月落袖披蒙頭千岩萬壑拍破九夫為等覺妙
覺齊大小乘於錢索井索縱大辯於談笑寄虛懷於冥莫所謂
百軸宗鑑之文如太山之一毫也巍巍堂堂煒煒煌煌非心亦
非佛破鏡不重光

天樂趙紫芝畫象贊

一點虛明八句玲瓏萬波不渾百川自東始見其灑然乎外孰知其淵乎其中謂其襄陽漫仕曰吾不為南宮謂其江湖散人曰吾不為龜蒙烏在乎儀刑先進而丹青太空

竹岩嬾翁錢德載畫象贊

凜乎吞八面之敵清哉拔千仞之俗盤錯不足以試銛利霹靂不足以示淵默若夫佩錚錚冠巍巍臨深濯纓憑高振衣豈非難夫塵滓之市而遊乎方之外者耶

東坡畫象贊竹岩家藏

帝哀先生為天下忌速反其轅卒不愁遺遂騎箕尾而今天章雲漢昭回衣被八荒載駘六丁收拾文字神京遐陬旁羅曲致落人間者太山毫芒寒者綺紉饒者稻粱取彼諸人勿昇豺虎既梁其餼而紃其袴泰以人爵俾敏厥修息公之諧承天之休

二桃殺三士贊竹岩家藏

大匠不棄櫟社之木良醫不遺烏喙之毒務急吾用不一而足

苟適其時雖弃必錄方其用時有正有奇顛方吾扶危方吾持相道巍巍二氏似之晒乃庠相曾不尔思夫三子者謬以力勝勝力以德孰敢不敬徒喪厥德以致其命一念之忍挫乃其弃欲濟緩急圖任姘嬰爪牙不銛其如之何盍觀相如伸秦屈頗隱然長城無庸干戈

三教贊

此三勝流一笑聚頭其道不同曷相為謀至哉儒先問禮於李季從竺軌逮真實際商隱於李白眉宗良曰師師師其来自唐車適大方萬里一轍荒之毫厘肝膽楚越

將山冲靈絕寄初祖達磨并馬大師畫象索贊

穿耳耳未嘗穴缺齒齒未嘗折北度一葦可航西歸隄履自挈或謂之空劫已前中流砥柱或謂之拈花已后金口木舌又曰正宗別調又曰直指曲說皆非吾之所謂道也若夫求大乘器走十萬里俟人作興器豈大乘風負先覺禮聞來學學而知之

既遠且邈負是四者吾恐五竺之鐵不足鑄此錯也

金雞毒一粒粟未踏殺人已先跌足一十八灘方障回死水八十四人方淹沒弗死洪都方泐潭宗風方肆凌厲一波動方萬波起冰方支方滔滔者皆是更無一箇識玄言只有歸宗較些子檢點將來玄沙道玄

孤雲畫象贊

閑如雲寄寥邈帖水不痕行空無脚笑從上掃跡生跡曉後來以縛解縛於其中間卷舒自若釘釘却懸挂却老倒南陽猶欠一着

下竺印畫象贊

率然短衣蘄然挿犀歲晚寐寔奮此一雙膠名相求之則萬言不直杯水外形骸索之則半芋美於紫泥憲章左谿鼓吹荆谿使人復見古道顏色舍斯人其誰歸

明教禪師五種不壞贊并引

劫灰之說大三灾之一也天地所不能免况天地間物哉明教禪師開維不壞者五曰頂曰耳曰舌曰童真曰數珠萬行成就三灾弥綸自若也作五種不壞贊用公書遠公影堂故事云

頂骨峽然然若伏犀於烈火中凄其廩而古鐵鋒鋒盡餘不熱擊石拊石達中音節舍利團圓素鬼罔如湛湛疑露累累貫珠豈無它人欲見其頂月行太空蛙沉坎井

去室而聰去塞而通於無數聲齊萬竅風風止聲消音響寂絕谷神不死聽火熾說無所說聞無所聞烟滅灰飛所止者存以是耳根示尔四衆厚德宏功千二百種

宜明心聲若出金石洶湧辯河不涘涘滴書獻天子天顏屢改一笑歸來此舌猶在韓吾不非吾奚以為聖吾不夷吾奚以

聖一生事了有死無憾身直劫燒紅開蕩蕩童真出家死於童真出沒卷舒一聖密身曉多欲人曲為欲說

於其根中出火自晴猗歟哲人晒乃覆轍以古為鑑以身代舌
火炎昆岡玉石俱焚石付百粉玉芳溫溫
的的紫棉茸素絲白幼至老念茲在茲譬夫一龕統以十鏡
此燈長明一印印定定則離念反而自求於無求中以敏厥修
物初有終法無有盡是故此珠橫絕照美

賢首國師贊

高麗柏堂請作

心部根本身嚴難華赤象青牛跨三越華半滿字則五其等差
殊聲響則一其紛拏使登門之真駕際天之濤陬潢汗行潦而
觀海若之餘訝瑣屑減裂又安知鯨鯢之與鱗鯢

強齋高使君金書諸經贊

嚴藍華楮屑金作字去字與楮經果何似曰此諸經即楮與金
續父厥志寫佛語心惟佛語心乎如父志一點畫中具無量義
字可悉數義則無量欲了其源冥去來相強齋大士年八十餘
目如心明作蠅頭書於一蠅頭分可為二塵毛太華弗巨弗細

佛神力故初不作難是故北磬作如是觀

兩蠅贊

佛前供楮畫
并引

一蠅逐蠅一蠅攫飛不及而擲於地

攫而擲翻而舉之二蟲請以戰喻翺母忘於射鈎攫母忘於在
莒

又

蟻戰酣螞蟥其後非大嚼盡反相友夢好忽同歸一塵何足疑
荷屋常不輕畫象贊

梵荷為屋芙蓉為裳芳苗初落英貯帳熏以石林書傳之香
淪以太華玉井之涼濯人間煙火氣母于五丘壑姿泊夫錦心
之與絳腸發已菴之韜略示我武之維揚適妙喜國拓吾故疆
安在乎廣莫之野而無何有之鄉

義鑑堂畫象贊

魁吾軒昂耿介孤潔大珠綺衣輕雲拂月作成潑天問端來前

只似釘頭難子敲折東山發源雙峯卷衣把大蘇狂瀾墜而東
之微此老孫子已而已

高麗指堂講師畫象贊

巖巖指堂破塵出經惟其能然曰聰慧人隄圓領之類彌會中
下於通 律橫說豎說匪野匪及全提半提匪壞匪成夫是之
謂全体之用兮全体之真

妙湛禪師月巖舍利贊

無盡居士銘雲居三塔其略云腐哉朽骨匪我罔是
宅萬行熏蒸骨如玉如金金玉舍利也妙湛中公火
後舍利如此為之贊

及并洗粧一花一香舍父求度回度厥父父子學空機先有鋒
父死開法鏤鐫出匣歸奉其母孤山之許示生有滅與母
火後舍利粲如繁星如金之品如玉之明堂堂月巖如空行月
何庸留此白素醜拙

下天竺慈林法師畫像贊

伽梨擁肩不舍夜旦革履結足炎熇不跣迹迹世相而不動不
退心惟玄奧則唯止唯觀四辯湧兮濶韻四筵擁兮冰泮特旨
住山靈山未散洗舊講裙萎花新換至於戒香逆風騰播林野
吾嘗比之波利質多羅天樹花此之謂也

陶司戶畫象

它塵滓拔千丈之俗倚梅竹託三友之交稠人廣座則惟靜惟
默涼天佳月則或推或蔽問津榮途姑欲行志於志得時反求
諸已

白題頂扣

謂有為吾奚為謂無為吾奚不為待悟而勇為絕學而無為於
威盡之矣非吾為

王梁山畫像贊

從事毛錐壯夫不為置書學劒弓甕馬嘶不斬樓蘭夫何自欺

堂々梁山襟利帶冀帝軫遐方詳延理琦良馬素絲組以五之
維賢作牧任以撫綏々々伊何恩斯勤斯豈惟懷思亦復畏威
庶靖氛埃以假茲聲昔人可師感夜半雞哂乃阿瞞橫梁賦詩

台宋深首座畫像贊

性具染指鼎味成在容膝歸休日月三昧不動口不饒舌人無
聞々吾無説々翻嗟昔眼弗見昔賢為渠去却眼中金屑複道
行空白銀為闕

野月贊

廣寒殿洪崖井輪有晦朔景無畦畛悠然隨所寓婆娑弄清影
莫羨江樓清江樓塵汗人

姚別駕命作四箴

更憚民怯其途則殊等而眠之氓疲不甦清明在躬執中以居
御民如兄御史如奴謂吾寡恩我不姑息謂吾遺直我不得
畏則如虎敬則如母廣而充之天下刑措右慈容

以寐止喧八旬闔然寐而忘喧珠澄濁淵不住喧寐而逢其原
其靜有餘其樂也全山林市朝不見畦畛失之毫釐小大異軫
惟全乎天意行則往心遠地偏非一非兩右靜而感

身軀髮膚賊傷貴全多慾自戕傷孰甚焉彼茂聲色或謂如鳩
必其胸中所樂者勝古夏后氏娶於塗山樂不在娶隨山濤川
禹何人也乎何人也晞頽之人晞驥之馬右養生也寡慾

古者罔罟以漁以收後世粒食罔罟可捐一鱗之沈一羽之繼
推吾此心仁不勝用方寸之閒較縮與盈悠然翻濤湧馬殺人
好生之端忘其大者大德曰生默運元化右好生也不殺

堅窮壯老二箴

余至宣城之清涿丁山窮老口益甚因范曄書有取
於馬援丈夫為志窮當益堅老當益壯作堅窮壯老
以自箴

何以御窮曰益堅不則濫是故君子因窮出轉途窮途窮則返

居輒投窮技窮則思辯輒語窮語窮則默謀輒智窮智窮則止窮諸理盡性而已右聖窮箴

益壯以佚老壯色日零新新代謝口不在是在所養者物莫我嬰物莫我化善乎楚丘之為言也使我當諸侯出正辭吾始壯矣不則死矣尚追車而赴馬嗚呼近之矣猶未也右聖老箴

高松閣金書心經頌并引

東禪明覺院比丘妙信創華閣舍 補陀大士判奇
秘閣高公年八十九飛步登閣蚤年夢得告今所造
施玻璃瓶承以白金藕花其餘佛事一一隨喜金書
心經款真 大士心中而身相已具同契心初蚤慕
懇切寶脊若然獲本妙心十日驚嘆嘆此創見蜀人
北碚居簡比丘謬振頌聲一十四章之四句嘉熙元
年二月初九日

若心即天地心區々冥求滄溟索針爰有大智金書作供

欲充佛身妙發機用佛塵沙身無乎不在作如是觀墮世間解
離世間解復何所求於東拓提一瞬協謀塵沙佛身初湧出海
小白花開物々三昧願以所書印厥心地此念始肇末玄覺斯報
寶脊若然虛南以俟若符合節如龜從筮微此大智孰考其朕
惟神而明函蓋相稱我觀此經非金非字而此寶脊未始啓閉
緊正法明曰觀世音澄五濁瀾如一月臨臨茲大智淨徹無垢
介以景福介以眉壽

謝林元之議命

不知命君子奚為未知生夫子不忽義命所安之地死生自樂
之天庭葉報秋記山中之寒暑嶺雲兮暝變戶外之陰晴適此
間情成君奇術

王練師問道之在天下猶川谷之與江海

域中四大王與道居其二吾一之一之何如曰王以道尊道以
王行道失所以行則梯磈瓦礫也王不以道御天下寡助也獨

夫紂尔苟以道則極建百度新綱常振遐厥寧雖然豈獨王哉一身小天下苟昧是晝罔不冥瞭罔不寤驗不寤臨寤不却所謂無黨無偏何自而知若夫富貴利達貧賤患難皆身之川谷江海流行滄淤而道之樞機戶隔旋幹權變故曰川谷江海在天下相道之在人則天下同百姓日用而不知故君子之道鮮矣

戒鼠

北礪足跡半天下習尔情狀尤得衆黠之情故為尔忌而未嘗忌尔所謂幾辟罔罟罔所不忍為孰謂尔以吾為可欺晝跳梁夜穿窬飲食服玩皆尔傷殘之餘九在吾室之君子謂吾信不孚不能格爾暴則將舍我而它之彼既舍我而它之吾亦豈能安吾居尔之遠君子近小人孰甚焉甚矣某氏之禍商監不遠勿謂吾不尔告

戒頻伽

頻伽踐木偶抑無知乎將踐鷹鷂木偶君子也君子臣與道冥入鳥不亂行入獸不亂群怒而加誅不啻黃帝絕象鏡之類汝毋陵善而駸駸象鏡之焚庶幾追君子之誅其果不悛木偶之禦侮畢弋從事覆巢破卵可立而待

水利

以轂橫谿構軸於岸比竹於輻發機而旋非深湍無所事後重而前輕俯仰如人意井可以施其巧此車棹所以別也水梭窾如匕架而縻之當吹濤之衝溢則出涸則納三者用於蜀吳車曰龍骨方槽而橫軸板盈尺之半納諸槽側而貫之鉤鎖連環與槽稱參差釘木於軸曰獲首蹠以運其機涸涸溪沼止無往不利獨不矜功於棹棹校一人之力龍骨則一人至數人車則任力於湍隨崇卑之宜雖灌漑之功豐約不齊其得罪於鑿隧抱甕則鈞也

不為善

雞鳴而起舜跖之辨縣判於所為為善而做利舜之徒可為跖
非吾徒也吾善且不為為利乎或曰不為利斯可矣不為善非
跖乎曰吾固有若善也焉往而止善無為也非不為也孜孜為
善油然而幾微於有為何以異於為利欲其為之務隱也故曰吾
善且不為為利乎

吳江性上人擬濠上游

鯀鯀躍清池邠參軍所賦南蠻謂魚曰鯀鯀桓大將軍云作詩
安用蠻語邠云千里投公得一蠻參軍當不用蠻語耶吾愛其
躍字風致以訂楚濠園吏濠上酬辯賦濠上游云非鯀鯀夫何
疑子非我吾何知惟其不知故不疑而全夫天倪潛而躍悠然
兮樂夫樂

寫神

使人偉衣冠肅瞻眊巍坐屏息仰而視俯而起草毫髮不差若
鏡中寫影未必不木偶也着眼於顛沛造次應對進退彈頰適

悅舒急得敬之頃熟想而默識一得佳思亟運筆墨兔起鶻落
則氣王而神完矣少陵云褒公鄂公毛髮動英姿颯爽來酣戰
所以美曹將軍也張橫浦則曰孔門弟子能奇怪畫出當年活
聖人所以諫子溫而厲或而不猛恭而安人鮮克知此妙故重
為商評之

贈鑒卜風水方生

病有鑒死有歸卜而息疑負是三者而游人間世人舍我而安
之夫如是三鍾十束異乎支離疎之素尸

管城子

或謂管城子銳而大非知言也文場掉鞅詞林奏技舍子則誰
與子則沾溉餘潤點發新奇卒成其志功其懋哉故知有用於
世者一日為壽不則百年為天也審矣余鈍而無用視子則有
媿

撲滿子

吾與孔方兄絕交久矣至於貿易所須則又未能與之忘情貯以小壘遲其盈將示以持滿之道往往未盈而輒出之其出也又貯夫制作近古者一二以求其類論之曰二老者天下之大老也其父歸之其子焉往惟其然是以不置始悟絕交之非賦招隱

床屏

以方正之質受屏翰之寄使樞風野馬不得涉吾竟隱若敵國功懋而不言雖然必有存焉者耳灰冷弗然木槁弗腴則屏翰在此而不在彼鏡虛忽塵水止忽澗外禦其侮竟何所事壁夫指鹿之旤不在長城而在望夷伐國之憂不在顓臾而在蕭牆之內也

鼎缺

陶之精者曰秘色有鼎焉立不倚介而特宏其中虛以容層滑弗塵質古弗華童子置缶缶兀而鼎缺則曰剛禦剛矣夫如是則大者缺小者折精者折麗者缺故鼎缺而缶完余聞而悲之悲夫剛不以柔濟鮮不若茲鼎于將鏤鏤剛不可犯虞缺耳書諸紳為不善用剛者戒

芙蓉楷禪師辯

或謂芙蓉禪師剛介失中號服是拒隸名刑書甘民其衣遂使林靈素逢彼之怒乘間而入德士之說易於建瓴噫齊東之言也天子方競意神仙方士儀秦之辯良平之智不足折其妄燕趙之豔晉楚之富不足易其好哀天下之至珍集天下之大美不足變其著前疑後承豈無服肱之臣可諫矣枳蠶齟齬也左輔右弼豈無心腹之任可諍矣米炭皆恥也是時靈素顧指如意衡從惟命豈俟逢怒乘間然後進德士之說哉公居淨因惡夫末流冒辱僥榮行險贖貨禪講號服錄正鑒義据方頂圓附城廐社不啻囊探更諱迭矜謂之內降商直推賈不閔朝省貽玷盛明罪在不赦真勗速已我則固辭孤叢自許不與衆共

死生患難又皇暇恤淵川之濱弗類人境歸無風帽線練編衣
丹霞麻門首為之發橫翔捷出以大其家繁然嚴天耿耿霽月
洞上願緒茲焉中興鄉也與俗同濟不極不厲即患難之途徒
瘴癘之地非失其本心倒行逆施者不為公為之乎公之光明
盛大衆音傳在焉茲不重出是作也一以刷公之謗一以補傳
載之略

道法師逸事

大丈夫者富貴不能淫貧賤不能移威武不能屈公寄命蟬蟻
試身雷霆不奉明詔以收德士威武能屈乎黥而流之為道
州徒九死之濱過午不食詠歌至化若出金石貧賤能移乎刑
名刑籍復還舊物賜官分祿簡在帝心曰往欽哉去汝黥涅
公念先帝不敢毀除帝曰此翁至老倔強富貴能淫乎方
林靈素假道士服醜基播運易竊於黃天下從之不則竊貞而
逃槁死林壑公獨緇衣立俟斧鑕視身如葉護法如城星斗定

大不即誅戮非至誠其孰能與於此哉蒙後公而生觀公所成
就奇偉峭絕真大丈夫事再拜右繞辭而吊之辭曰黥可息乎
身據鼎耳兮息之則殞黥可去乎恩如春風兮去之不忍一念
之忍迄於蒙塵忝離闕廷塗炭生靈髮天下僧又安足云逸哉
道州隻影問津一笑生還天清地寧衆孽斯屈老臂獨信隱若
敵國賢於長城蠶尔靈素不正典刑雖百粉兮痛奚以平九里
清陰蛻貉是舍草枯白春光奮不夜後世何知婆娑其下其賴
有泚兮其容則赭油然興起兮如聞伯夷之風者

答疎寮高處州論激字

疎寮論選詩用激字江淹曲檻激鮮鴈石室有幽響待下句然
後精神已展魏文帝派颺激標軒未若陸雲通波激柱渚一句
中激字便警策盧諶中原厲迅颺厲字有感激之思曹植清池
激長流殆不若劉楨曲池揚素波則揚字有風致潘岳白水過
庭激又在青山外矣余取陸雲激字盧諶厲字劉楨揚字

釋言

丁巳良月十四宜州太守倏然去余賦詩以餞郡博士高公楷語余曰子犯清議君子不予子乃拱而俟則曰守去子議之余曰派言止於智者今之所謂太守者古諸侯也制千里之命而屏翰王室議之則連咎非風狂失心不為矧若子之言五袴一錢父母二天皆讖也或曰子以其失場圍之訟失分守之正則去此趙必表貨殖以誤守於守何有守以詩挽子子不次韻乃以尾未大時猶可掉瀾於類處益難隄之語謝而實議余曰分守在天下主之者存焉正不正在彼不在此烏乎憾不次韻尊之也謝而陳情則言之者無罪聞之者足以戒故明斥枉直徇私以誤守者惜清明之玷也余詩九八十字序九四十九字請隻字洗刷讖評遁逃隱伏處使余言當其實中也蓋美過也遺美則不及過與不及失中也曰讖則不可序曰遁則決去此二疎淵明事也莫不起孤風峻節之慕勇不目而遂賦古詞末章

輒致雙壽堂中玉顏難老之禱躡等而忘其僭諛則曰懷哉小隱侯如水秋練練又若庶泉庶練江靦言面謂練江澄潔庶則過之也一介不取人振滯亦賑貧則不安取予振拔滯賑恤鰥寡也秉彝不可斂有實無虛名則惠人以實出於天稟而得名不虛也我欲借寇君九虎限天海欲借留無路也茫茫穹壤間誰是寇君代重詠借留之思也行行拜新渥新細紫荷橐守以亞卿歸自藩屏必簪筆持橐也何以為雙壽楊州一雙鶴祝其壽富康寧頤頤壽考也所謂一錢太守雙鶴楊州乃閭巷歌謠吾詩何與哉欲對此君仍大嚼世間那有楊州鶴有客知碑來薦福無人騎鶴上揚州老坡一再拈出也祖述前聞古也曰談何譏尔吾固曰派言止於智者

外物

商盤卽鼎古鐵舊畫至於珍怪百物無益於寒飢當其為用樂寒飢之功往往稻粱蠹褐不相下君子學以志其道必專心致

曰鑿為筆鋌代腕欲頽則頽欲柳則柳勁鐵瘦莠出筆墨畦畛與夫游刃肯綮若然中兼林之夢十九年若新篁於硯何以異故曰刻字難往復競辯侃侃不相下欲解其紛而大能也則謂之曰昔人夢寐子知之矣敢用是而中分之曰二難一亥九月幾望丁山法堂紀歲月郡刻工陳文頗臻妙策其勲吊其貧書以為贈

挂履

余明年七十大夫致其仕而挂冠時也昔為比丘裂冠矣乃挂履或曰挂履何所據曰木平師挂履於江南後主之榻休影息迹不復至擗前觀清涼大法眼賦牡丹諷諫矣今年六十九六十九年之非多蘧伯玉二十載而無伯玉之知視履則有媿因作而言曰一生幾兩遐想阮主之高兩鳬對飛恐入齊諧之誌吾履之陋蒲疎而涼匪仁弗履懼迷其方匪義弗蹈懼墮其良允履允蹈卑惟考梓寧跣而規俾勿傷寧坐而忘俾勿僵寧榮

其勲永矢勿忘息而筋骸方遂而行藏挂之墻隅以戒余面墻

言歸

或病余不用隨時之義而落落也不顧人之是非擬古浮圖文字駕說犯其忌子之徒怨汝詈汝謂其詈之妄也前日之仰睇子今睇下將其業或進子而子不進乃嗾夫詈也則牧兒嬰婦知其碌碌徒貨殖麗城社飾誦以暴非其類吾非木鐸也詎排鑠金以明子志哉盍歸耕以頤所謂浩然者則謂之曰甚矣子之寤我也人各有夫志古的也曩明教大士鐔津公著書數萬言輔吾教抱成書于嘉祐天子厲浮圖厥類惟錯犄角而攻之方開闢延敵輒循墻而遁怨詈尚何足云且貨殖驕人惡貧也非病附麗以傲物象傲也不悌孰逃君子之誅於吾何有故園一鉏地道阻且長朝夕以思九折羊腸陸誰余梁川誰余旋誰余舍行誰余止使我轡蕭雲追飄風乎乘飛車乎遡瀧使我飭供頓邁逆旅乎孰先饋之五漿肇聆子言如鍼膏肓靜而索之莽乎忽荒盍歸乎來乎無外大方

示照藏主普州

半山老人讀游俠傳謂人云萬物之靈此身心學佛菩提何難之有殆不知學佛菩提之與遊俠異地皆然槩而言之則可據實理論則適越而北轅除是生而知之方有少分相應口無憂樹下周行七步目顧四方已是學而知之鏡潭藏主語別令舉似諸方納粟將仕校尉禪師且道它學什麼人

杜祁公病婢帖

奢膏肓儉瞑眩瘳之祁公瘳其子之奢天下化之功成名遂既壽且康窮居盛行儉德金石反覆丁寧於婦子防其子之驕駸習侈靡墮家法欲策勲於瞑眩也

祁公子美帖

婦翁鉤畫邁勁於冰過清甥諳行草掀舉比玉尤潤晉書士以東廂坦腹蕭洒爲名談恐不足語於吾慶曆之盛

跋頂山珂兄刺血寫蓮經

能生不能教親也教必從師師以德親以恩知報則知道舍是吾何觀刺十指寫三周七喻以爲報匪報也蓋思瞿曇未說毛穎未血文采未發經在何處若三七日思而得之無絲毫別夫如是則七世父母師長同見靈山未散非汝欺也書經後二十三日慧日北磬書

書楊補之梅

寓素於玄質成鳥有責芳於影夢酣黑甜展卷臨函色香俱在柄此能事屬諸逃禪詠姑射真須春風手先驅醉穎珠玉在側後振采毫覺我形穢

書楊慈湖帖

奏院崔公爲定海之政慈湖楊公之弟之甥之婿在邑學其致書定海以夫三子也而曰簡之所以不得已上浼記曹者胡不得已哉或曰公不輕下語蓋遺夫言參其意可也嘉定君相一

德舜禹臯陶所不逮公猶有薦相疏方是時也莫不謂其得已
而不已是豈知公哉或者之言余有所未達書於公貽定海帖
左侯達者

北磬文集卷第六

